

C A I B. VIII.

rèir an gnè, gach eun do gach feòrta.

15 Agus chaidh ^a iad a steach a chum Noaih do'n àirc, a lion dithis agus dithis, do gach uile fheoil, anns *am bheil* anail na beatha.

16 Agus iadsan a chaidh a steach, fìrionn agus bainionn chaidh iad a steach do gach uile fheoil, mar a dh'aithn Dia dha: agus dhruid an Tighearna stigh e.

17 Agus bha 'n dìle dà fhichead là air an talamh, agus mheudaicheadh na h-uifgeachan, agus ghiùlain iad an àirc, agus thogadh suas i os cionn na talmhainn.

18 Agus bhuadhaich na h-uifgeachan, agus mheudaicheadh iad gu h-anbarrach air an talamh; agus shiubhail ^b an àirc air aghaidh nan uifgeacha.

19 Agus bhuadhaich na h-uifgeacha gu ro-anbarrach air an talamh; agus chòmhdaicheadh na beanntan àrda uile, a *bha* fuaidh na neamhaibh gu léir.

20 Cùig làmh-choille deug air àirde bhuadhaich na h-uifgeachan; agus chòmhdaicheadh na beannta.

21 Agus dh'eug ^c gach uile fheoil a *bha* gluasad air an talamh, araon do eunlaith, agus do spréidh, agus do bheathachibh, agus do gach ni a shnaigeas a ta fnaigeadh air an talamh, agus gach uile dhuine.

22 Gach ni aig *an robh* anail na beatha ann an cuineinibh a thròine, do na h-uile a *bha* air an talamh thioram, dh'eug iad.

23 Agus sgrìofadh gach uile

dhùil a bha air aghaidh na talmhainn, araon duine agus ainmhidh ^d, agus an creutair a shnaigeas, agus eunlaith nan speur; agus sgrìofadh iad bhàrr na talmhainn, agus dh'fhàgadh a mhàin Noah, agus na *bha* maille ris 'fan àirc.

24 Agus bhuadhaich na h-uifgeachan os cionn na talmhainn ceud agus leth-cheud là.

C A I B. VIII.

A GUS chuimhnich Dia air Noah, agus gach ni beo, agus gach uile spréidh a *bha* maille ris 'fan àirc, agus thug Dia air gaoith dol thairis air an talamh, agus thraogh na h-uifgeacha.

2 Agus dhruideadh suas tobraiche na doimhne, agus tuil-dhorfa nan neamh; agus choisgeadh an t-uifge o na neamhaibh ^e.

3 Agus phill na h-uifgeachan a ghnà ^f bhàrr na talmhainn: agus thraogh na h-uifgeachan 'an déigh ceud agus leth-cheud là.

4 Agus stad an àirc anns an t-seachdamh mìos, air an t-seachdamh là deug do'n mhìos, air beanntaibh Ararait.

5 Agus thraogh na h-uifgeachan a ghnà gus an deicheamh mìos: Anns an deicheamh mìos, air a' cheud là do'n mhìos, chunncas mullaiche nam beann.

6 Agus 'an ceann dhà fhichead là, dh'fhosgail Noah uinneag na h-àirce a rinn e.

7 Agus chuir e mach fitheach, a chaidh mach a' dol air ais agus

^a chuaidh. *Eir.* ^b dh'fhalbh, dh'imich. ^c bhàsaich. ^d eadar dhuine agus ainmhidh. ^e bha'n t-uifge o na neamhaibh air a choisgadh. ^f gun stad, a' dol air ais agus air aghaidh. *Eabh.*